

He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.

He whakarāpopoto

Pānuihia te whakarāpopoto ki te ākonga. He tere a Pōpokorua, he pōturi a Ngata. I whakaaro a Pōpokorua e kore ia e mau i a Ngata. I whakaaro kē a Ngata kotahi anake te mahi māna, arā, kia kaha, kia māia. Ko wai i tae tuatahi ki te tihi o te aka kūmara?



He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena ki te whakauru i ngā ākonga katoa. Me whakat tina rawa te pūkenga tiro whakamua. Matapakihia ngā kupu hou, me mahi rawa te papa kupu me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te timatanga ki te mutunga o te pānui.

Matapakia ngā momo nuku rerekē o ngā pēpeke. Ki te ākonga, ka tere atu te haere a te pōpokorua i te ngata, kāore rānei? Kōrerorerotia te ariā o te pōpokorua e mātātaki ana i te ngata kia whai wāhi ia ki roto i tētahi tauwhāinga. Ki te ākonga, he tauwhāinga pēhea taua tauwhāinga? He aha ai?

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā matua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini rīpene kōrero, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;

- ki te whakaharatau kia eke te ākonga ki tētahi atu taumata.

He whakapuaki māramatanga me ngā whakautu

1. He aha a Pōpokorua i whakato i ai ki a Ngata?
2. He aha te whakautu a Ngata ki te wero?
3. Nā te aha i kore ai e toa a Pōpokorua i te whakataetae?
4. Ki ōu whakaaro, he aha te tikanga o te kōrero “Ehara i te mea mā te tere anake e toa ai te tangata, engari mā te āta haere”?
5. He aha ētahi atu kōrero paki e mōhio ana koe kāore te tangata whakahihī o roto i toa ai?

1. Nō tōna mōhio he tere ake ia i a Ngata.
2. Ka whāki ia he tere ake a Pōpokorua, ā, ka takoto ki te moe.
3. Nā te mea i tere rawa tāna oma, ka hinga.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T He tipako i te raupapatanga o ngā mahi i roto i te pukapuka.

He whakatakinga ā-roro, he whakaharatau

I mua i te pānui i te pukapuka, whakamōhiotia te ākonga he timatanga, he wāhi o waenganui, he mutunga hoki tō ngā tauwhāinga, ā, he pēnei hoki tō tēnei kōrero paki mō tētahi tauwhāinga.

I te mutunga o tētahi tauwhāinga, me toa tētahi. Ki ngā ākonga, mā wai e toa i roto i tētahi tauwhāinga i waenganui i te pōpokorua me te ngata? Matapakia.

Kia oti i te ākonga te pukapuka te pānui, whakaritea kia tautuhi ia i ngā wāhanga rerekē o te kōrero. Kōrero mō ngā mahi i mahia i ia wāhanga.

He nui ngā mahi i roto i tēnei kōrero. Whakaritea kia tautuhi te ākonga i ngā kupumahi katoa o tēnei kōrero.